

3. Լիկելիզացիայի ենթարկել, համաձայնութեան գալով Ազրբէջանի և Վրաստանի հետ, ընդհանուր հիմնարկութիւնները և գոյքը, որ մնացել են Անդրկովկասեան հանրապետութիւնից:

Այս է կառավարութեան ծրագիրը: Սա կարելի է անւանել պետութեան գոյութիւնը ապահովող ամենամահաբաժնի գրաւականների ծրագիրը: Պարզ է, որ նա չի ընդգրկում երկրի բազմազան կարիքները իրենց ամբողջութեամբ, որ նրա սահմաններից դուրս մնում են մի շարք կարևոր և արդէն հասունացած խնդիրներ: Բայց կառավարութիւնը չի դնում հերթի այդ խնդիրները, որովհետև նրանց լուծումը այսօրւայ այսօրւայների մէջ համարում է անկարելի: Կառավարութիւնը չի ուզում սխալների մէջ գցել երկիրը լայն հեռանկարներով և անիրադրծելի խոստումներով, չի ուզում վերցնել իր վրա պարտականութիւններ, որոնց կատարումը վեր է իր ուժերից: Կառավարութիւնը համոզւած է, որ իր առաջադրած ծրագիրը մաքսիմալն է այսօրւայ հնարաւորութեան: Կառավարութիւնը լաբելու է իր ամբողջ ուժն ու կարողութիւնը այդ մաքսիմալին հասնելու և յոյս ունի յաջողութեամբ լուծելու դրած խնդիրների գոնէ մի մասը, եթէ իր կողմն ունենայ խորհրդի անվերապահ վստահութիւնն ու գործօն աջակցութիւնը»:

Քաջադուռների յայտարարութիւնից յետոյ, անմիջապէս խօսք առաւ Հ.Յ. Դաշակցութեան ներկայացուցիչ Սմբ. Սաչատրեանը, որ, ընդհանուր առմամբ, կառավարութեան ծրագիրը դտաւ ընդունելի և խոստացաւ իր կուսակցութեան վստահութիւնը:

Երկրորդ ճառախօսը՝ սոց.-յեղ. Ա. Խոնդկարեանը՝ կառավարութեան յայտարարութիւնը դտաւ ընդհանուր և անբովանդակ, անհամապատասխան անդրանիկ կառավարութեան կոչումին. վարչապետը ոչինչ չասաց կառավարական դրութեան և քաղաքացիական ազատութիւնների մասին: Ա. Խոնդկարեանը առանձնապէս խիստ քննադատեց յայտարարի արտաքին քաղաքականութեան մասը՝ զարմանք յայտնելով, որ նրա մէջ ոչ մի խօսք չի աւանդ Ռուսաստանի մասին: Եւ եզրափակեց, թէ կառավարական յայտարարը սոց.-յեղափոխականներին չի դոհացնում, ուստի նրանք որոշել են սպասել գործի:

Ընդհակառակը, Հայ Ժող. կուսակցութեան կողմից գրաւոր ճառ կարդացող Ա. Մխիթարեանը գտնում էր կառավարական համեստ ծրագիրը միանգամայն գոհացուցիչ: Աւելին, տիրող պայմաններում, կարելի չէր պահանջել:

Ծրագրից դոհ էին և մահմետականների ներկայացուցիչն ու ռուս պատգամաւոր Ա. Զորինը: Վերջինս, սակայն, անհրաժեշտ էր գտնում առաջ բերել աւելի սերտ գործակցութիւն ռուսների հետ:

Սոց.-դեմոկրատների կողմից խօսեցին երկու հոգի՝ մենչևիկ Հ. Ազատեանը և բոլշևիկ Ա. Մելիքեանը: Երկուսն էլ դէմ արտայայտեցին Հայաստանի անկախութեան և կառավարական ծրագրին*):

*) Այստեղ պէտք է յիշել, որ սոց.-դեմոկրատ պատգամաւորները Հայաստանի Խորհրդի անդամ էին նշանակելի դեռ ևս համառուտակամ տնունը պահող, բայց փաստօրէն վրաց, Սոցիալ-Դեմոկրատ կուսակցութեան կողմից. Հ. Ազատեանի լիազօրագիրը ստորագրել էր Նայ Ռամիշվիլիս: Սոց.-յեղափոխական պատգամաւորները նշանակւած էին իրենց կուսակցութեան Անդրկովկասեան կազմակերպութեան կողմից: